

鄖縣志

輿地卷二  
天文卷一

鄖縣輿地志卷二

周易繫辭曰仰以觀於天文卽繼之曰俯以察於地理誠以天垂象有文章地之高下原隰亦各有條理焉周禮大司徒掌邦之土地之圖職方掌天下之圖故察地理者必察之於圖伏羲畫卦圖之始也歷考史書郡邑或分或合或廢或置互有異同以圖考之豈以古今異耶我

朝統一函夏二百餘年而鄖縣輿地圖經向無專志今薈萃諸家參互考訂繪圖開方以表章之凡疆

鄖縣志

輿地卷二

一

域山川形勢里保關梁郵遞遠近無一不瞭如指掌鄖縣地連秦豫控楚上游廣袤五百餘里風土人情樸茂質實蓋扶輿清淑所鍾光氣見於山川亦地氣使然也豈徒恃山谿之險哉志輿地

山川圖說

鄖縣附郭跨漢南北左連商豫右達巴蜀扼荆襄咽喉據雍梁門戶羣山結排眾流環繞今欲由枝尋榦因流溯源凡邑外山川固不得數典或忘也其山自四川松潘衛西青城雪嶺羊膊嶺起脈經番地西傾烏桓而來至隴山分爲兩大榦河洮渭水環其左岷嘉陵江水繞其右中條漢水出其中左界河爲次陰列右界江爲次陽列統二枝爲中條山唐書天下山河兩戒考及方塋禹貢水道考異以南條大江之右岷山之陽至於衡山

鄖縣志

輿地卷二

山川圖說

二

過九江至於敷淺原爲正陽列南條山以北條大河之左積石雲中燕代析城王屋太行恆山至於碣石爲正陰列北條山以西傾朱圉烏鼠終南惇物至於太華熊耳外方桐柏至於陪尾爲次陰列自天山太白祁山至嵩雒皆爲秦嶺八百里亘山以隴嶓冢劍閣梁巴至於荆山內方至於大別爲次陽列皆中條南北榦之山也次陽列正榦循大嶺東行南界川北北界陝西約千餘里分榦劈枝北行至青華山入府屬竹谿縣界又由北而東至白土關左跨陝西興安府洵陽縣界又達平利縣界迤邐行百餘里

至女華山孤松山府屬竹山縣界左界白河縣東行二百餘里至五龍巔大聖母山老君觀左吉關西界嶺左入縣界東界嶺滄嶺山右人縣界至於堵河口此人縣西來之山也正榦又東行南界四川夔府大甯縣北界平利縣蜿蜒而行約六百餘里入府屬房縣之西竹山之東香鑪山又二百餘里至佛泉山停竺山賽武當山皆屬縣界行百餘里至於遠河口此入縣界南來之山也正枝又東行起武當山至於南河口次陰列自終南秦嶺分榦劈枝迤邐北來至商州鎮安山陽縣左界丹

## 鄖縣志

### 輿地卷二

山川圖說

### 三

水右界洵水甲水起鶻嶺關又行百餘里經天橋天柱任嶺諸山入府屬鄖西縣界至絞腸關黃龍山錫義山右界鄖西縣左入縣界至於天河口此入縣西北來之山也中枝又東行由白礮礎北界山陽商南滔河南界鄖西天河行三百餘里至城牆埡界牌埡入縣界循嶺東南行至五台山青竹溝埡葛條埡梅子關南計百餘里至香鑪山鄖城山結爲鄖郡城餘枝又東行至皮籬山白桑關雷峰埡青龍山二龍山大龍山左界浙川至於滔河口右界均州至於余家山此入縣東之山也正

枝又東行至於小江口左枝由白礪礎東南行過商南縣至岫峪山入縣界左界丹水至於滔水口此入縣北來之山也大幹循嶺東行至於豫徐揚諸州之域

禹貢蟠冢導漾東流爲漢漢水繞漢中郡城東西南三隅源出沔縣蟠冢山中錐指傳曰泉石出山爲漾水東南流爲沔水至漢中東流爲漢水陸氏游曰嘗登蟠冢山有泉涓涓出山間是爲漢水之源此務觀入蜀塗歷金牛目驗而得之涓涓細流孔安國傳所謂泉始出爲漾水者也新城王士正蜀道驛城記常璩言沔出蟠冢

## 鄖縣志

### 輿地卷二

山川圖說

#### 四

合白水爲西漢明與導漾之文相悖按通典蟠冢山有二一在天水上邽一在漢中金牛雍大記西漢水在西和縣源出蟠冢山西流與馬池水合此乃上邽之蟠冢在今秦州又云漢江源出沔縣蟠冢山東流入金州此乃金牛之蟠冢禹貢蟠冢導漾乃沔縣之蟠冢非秦州之蟠冢知蟠冢有二則東西二漢源流各自了然漾之與沔本爲一流與隴西之蟠冢都無交涉常氏之誤可不辯而明矣地理今釋漢中府南鄭縣爲漢水亦名東漢水東流至白河縣入湖廣界考尙書傳說桑欽水經

酈道元水經注及方埜水道攷異云漢水源自隴山氏

道縣今漢中府甯羌州稍西九十里之武都沮縣今漢中府略陽縣蟠

冢山山海經西南流而注於江山東南流折而北又東經

沔縣西南境又東北流有沔水沮水澍水合流於漢又

東經褒城縣有褒水自鳳翔鄖縣太白山合斜谷水東

南流來注之西有西漢水自隴西獠道縣今鞏昌府秦州兩

當縣西南經祁軍會建安水今鞏昌府西和縣府來注之又東南至漢

中府南鄭縣經府治城南西有諸潛水一自梓潼漢壽

縣潛出今四川保甯廣元縣一自巴郡宕渠縣潛出今夔州府新甯縣順

### 鄖縣志

### 輿地卷二 山川圖說

五

慶府渠一自晉壽縣潛出今保甯府昭化縣一自巴西縣潛出

今保甯府南江縣來注之禹貢梁州沱潛既道蓋以此也又東

南經城固縣漢王城洋縣南北有門水溫泉水洋川水

南有灂谷水來注之又東南流過還珠廟黃金峽石泉

漢陰諸縣南北有子午河諸水來注之又東南過紫陽

縣南有任河自四川城口瓦房店來注之北有聳水今名

河月自秦嶺經漢陰縣來注之又南有嵐河經甄坪廳安

康界來注之又東南經興安州今興安府城西北東有黃楊

河合安康平利諸縣水來注之又東南過平利縣界南

有閭河合神河水自平利縣來注之又東南過洵陽縣城南北有洵河水自孝義鎮安縣入洵陽縣境來注之又東經大棕溪小棕溪蜀河口北有涓水今名蜀河自秦嶺鎮安鳳皇嘴雙河口來注之又東經冷水河南有水自府屬竹谿縣竹山縣界嶺北來注之北有仙河蘭河自鎮安縣界湖北口牛心石關坊鋪入府屬鄖西縣境來注之今蘭灘塘汛又東過兩汊潭月兒潭甲河關北有甲水廢上津郡北今上津堡與關柎水合流又東南經廢魏興郡

## 鄖縣志

### 輿地卷二 山川圖說

#### 六

之廢興晉縣南今西陽界又東南流來注之又東南流經白河縣城北白石灘以上皆興安府屬南有白石河自竹山縣界嶺北東西壩石板河猴子河會縣界紅石河水來注之又東經木瓜溝右入縣界以上皆縣西來之水也又東南經廢錫縣今山羊尾北有板橋河水自縣界錫義山西南會鄖西縣諸洞水來注之又東南經將軍河左入縣界過陳家洲洞青溝孤山塘泥河口白龍埡火煤河歷長利谷廢長利郡春秋屬錫穴地今又東過黃龍埡天河口北有水自商州山陽縣會諸水入鄖西縣城西南又

東北有五里八里諸水經觀音堂有麥峪馬鞍諸水合流來注之又西北經錫穴山金漆料黑龍壩安城溝北有歸仙河自鄖西火車嶺合何家店諸水來注之又東南過大小石塘塔峪灘曲遠河花栗灣走馬出洞經堵陽縣廢址北今堵河口大孤山韓家洲南有堵水自平利白土關入竹谿竹山古上庸郡房縣古房西合霍河縣治上庸河孔陽河諸水又東逕方城亭東北歷參山下經舒家灘甄峪河入縣界葉灘萬港潭貓臥河門樓溝余河皮鼓灘莫家灘石花溝松樹灣大小峽口棗園黃龍灘獅子灘大小

### 鄖縣志

#### 輿地卷二 山川圖說

#### 七

沈灘徐家灣方灘耙齒梁崩灘流八百餘里而注於漢謂之堵口皆入縣南來之水也舊志堵水自入界至此水路百六十里又

東北爲澇灘冬則水淺而多石又東爲淨灘夏則水盛而多湍諺云冬澇夏淨卽此今遼瓦店下馬髮灘清水河一帶是也又東

逕馬昌關武陽店武陽縣廢觀音堂繞府治城西南東三隅

金魚河龍滾灘小河口神定河楊溪鋪琵琶灘關門山白果樹安陽口羅家河蓼池張公纜遠河塘自本瓜溝至此水路

三百六十里亦南來入東之水也又東北出縣界入均州境

北有丹水自秦嶺商州山陽商南雒南諸州縣合淇河

金井河龍駒砦荆紫關至楊溪塘右入縣界經江峪司

塘至梅家鋪塘下盤道保會滔水出縣界入浙川浙陽郡廢

址均州境此縣東北來之水也合流入漢今小江口又

東為滄浪之水按水經及禹貢之滄浪水過三澁

章澁皆今安陸府京山縣至於大別南入於江總之漢

水自陝西蟠冢發源至鄖縣始入楚境歷均州光化穀

城襄陽宜城鍾祥荆門京山天門潛江沔陽漢川漢陽

等十三州縣出漢口與江水合

鄖縣志

輿地卷二 山川圖說

建置沿革攷

按禹貢鄖在雍梁二州之域

周古麋地左傳楚潘崇復伐麋至於錫穴事在魯文公十一年杜註錫穴麋地在今鄖縣境內 考鄖國左傳桓十一年鄖人軍於蒲騷杜註鄖國江夏雲杜縣東南有鄖城卽今京山縣又宣四年若敖聚於邲杜註邲國名通典邲或作鄖今湖廣德安府安陸縣古城西入於澗故鄖城也又巾水逕竟陵縣北西有古城竟陵大城古鄖國也鄖公辛所治卽今天門縣皆與

鄖縣志

輿地卷二 沿革

九

鄖無涉

戰國楚地

秦鄖隸漢中郡

前漢析鄖爲錫長利二縣隸漢中郡按前漢地理志長

利縣註有鄖關

後漢省長利縣隸益州漢中郡 梁州卽益

漢末隸上庸郡延康元年隸新城郡

魏太和初析錫爲錫郡景初郡廢仍以錫隸魏興郡屬

荊州

晉太康中錫置長利尋又改長利爲錫改錫爲鄖鄉仍屬荊州元康中還屬梁州

南北朝宋析爲鄖鄉錫二縣隸魏興

南齊改隸齊興郡 省志齊興郡領上庸房陵安城今據南齊書改正

梁析鄖鄉置南上洛郡

西魏改爲豐利

周省豐利入上津郡以熊川陽川二縣入豐利縣

隋以豐利隸西城郡西城卽魏興郡鄖改隸淅陽屬豫

鄖縣志

輿地卷二 沿革

十

州

唐隸均州屬山南東道

五代因之

宋仍隸均屬京西南路紹興初置金均房鎮撫使鄖隨均仍隸京西南路 宋書困學紀聞漢志漢中郡長利縣有鄖關在今商州上津縣

元復隸均屬襄陽路

明初仍元舊成化十二年建撫治都御史下荆南道各一員設鄖陽府鄖縣附郭

國朝初仍明制雍正三年裁撫治六年改下荆南道爲襄  
鄖道駐襄陽專設鄖陽府鄖縣附郭乾隆中學政吳  
省欽以鄖縣爲漢鄖鄉今隸鄖陽府其得名則由於  
鄖關

鄖縣志

輿地卷二  
沿革

十一

鄖縣建置沿革表

					地國楚	穴秋錫	國古麋	周
						中郡	州隸益	秦
					康隸郡上	漢中末郡	爲前漢	漢兩
		荆州			魏郡之隸	魏縣興屬	和魏元太	國三
	州屬梁	中元還康	荆統於		興屬郡魏	鄖錫鄉爲	四年康	晉
						州	鄉爲鄖	宋
						州即均	錫鄖改鄉	齊
						郡	鄉析鄖	梁
						豐利	改西魏	西東魏
					利縣	入二縣	郡上津	周後
						郡	鄖城隸郡	隋
							州隸均	唐
							州屬均	五代
							軍武當	宋
							州隸均	元
					附鄖郭縣	府鄖置陽	初洪隸武	明

鄖縣志

輿地卷二 沿革

十二

國朝因之

疆域

鄖縣附郭

正東七十里至王莊安陽保交均州界

正南百八十里至青巖保交房縣界

正西二百里至木瓜保交白河縣界

正北百八十里至青岡保交商南縣界

東北百八十里至古窰保交淅川縣界

東南百六十里至伏龍保交均州界

西南一百七十里至唐家河坪保交房山縣界

鄖縣志

輿地卷二 疆域

十三

西北一百八十里至泥河保錫義山交鄖西縣界查

錫義山半屬縣境半屬鄖西

東西相距二百七十里

南北相距三百六十里

東北隅與西南隅相距四百四十里

東南隅與西北隅相距三百四十里

周圍廣袤一千五百六十里用方田歸乘除法計一

千二百八十里

水路西至白河界二百七十里東至均州界九十里

東至省水路一千八百里陸路一千二百里東北  
達

京師二千五百里

鄭縣志

輿地卷二  
疆域

十四

形勝

明統志鄖爲中原巨鎮

楚紀東通襄鄧西逼秦蜀南接荆澧北控商洛溪流湍  
激崖徑險崎

明督學孫繼魯明倫堂記環山帶漢居荆襄宛洛之間  
爲國家要地

房州譙樓記楚蜀咽喉之會

舊志西控秦蜀東捍唐鄧南制荆襄北連商洛郡邑雄  
峙其中犬牙相錯舟車萃止昔人所稱四塞奧區三

鄖縣志

形勝

十五

邊重鎮也

三省邊防備覽自陝西興安至湖北襄陽共計一千三  
百里鄖陽爲適中府城依山阻水形勢鞏固

東近襄樊西連興漢南接武當北達商雋扼雍梁之門  
戶爲秦豫之咽喉實荆襄之屏藩也

山

鄖城山九域志在鄖鄉境通志

滄浪山在城內形橫似舟昔有古松三株下有聖水寺

又有仙女洞省志

狼子山明統志在府城臨漢水寰宇記隋圖經云山旁

鑿六字皆方一尺可識者元田中邱四字下有狼子

冢被水沖崩成小洲通志

極星塔山城南赤壁左頂對文昌閣俗名雞心塔康熙

中知府朱寀建後知府陳緯補葺

鄖縣志

輿地卷二山川

十六

文筆峰城東二十里

兜牟山在城東卽漢中郡輿南陽郡界處寰宇記亦作

兜鍪山

摘星坡城東十五里高聳奇絕俗謂十景之一明統志

黎子山城東百十里昔人置關於此爲黎子關明統志

赤壁山省志城東南二里原名紅巖類編明知府俞蓋

改今名下臨龍滾灘形勢高峻色純赤日光掩映霞

彩滉漾爲一郡勝概明統志又五里爲汧洲以汧水

得名

龍門山城東南七十里兩巖對峙如門水從中出可通

舟楫明統志

天馬山城南依漢水一名天馬巖舊傳裂出天馬王三

字詳古蹟省志

寶蓋山城南三里一名西山水經注上有石蝦蟆倉卒

視之與真無異明統志山北有巖旁有一穴視之甚

明土人號曰星牖省志

古塞山城南八十里戰國時楚築以備秦今名大塞山

省志

鄖縣志

輿地卷二山川

十七

尖巖城北百五十里其形峭削屹立千尺省志

白龍峰城西南百四十里頂有泉曰白龍泉遇旱禱雨

輒應下四十里爲帶霞山

錫義山省志城西百二十里一名天心山九域志鄖鄉

縣有錫義山名勝志在鄖縣西百八十里唐書地理

志在豐利縣水經注方圓百里形如城四面有門上

有石壇長數十丈世傳列仙所居今有道士被髮餌

食恆數十人山高谷深多生薇蘅草其草有風不偃

無風獨搖按是山首卽娘娘山綿亙百餘里折而西

卽羊尾山蜿蜒至鄖西境通志

廣山城西百四十里高二十里許頂闊二里餘周遭峭石森立若城郭然下臨漢江北爲鄖西界其西南五

里卽孤山省志

白龍山城西二百二十里上有石屈曲如龍省志

鴉鶻山城西北二里道志

觀音堂山城西北五里腰有二穴面漢水一曰朝陽洞一曰觀音洞又三十里至武陽巖曰武陽神洞中有湧泉懸巖深邃禱雨立應武陽堰卽泉下流也俗稱

鄖縣志

輿地卷二 山川

十八

神洞爲十景之一編類

金剛山城西北二十里高峰獨聳俗名梨花寨舊志

三臺山城西北八十里山勢三襲故名編類

大壩山城西北二百二十里編類

香爐山城北三十里一山獨立形似香爐故名編類

斧山城東北二十里石狀如斧故名編類

風火山城北六十五里道志

石雞山城東北七十里道志

雷峰山城東北七十里卽雷峰壩舊志

防山隋書地理志在鄖鄉縣今無考舊志

孝婦陂城東北七十里地名唐兒河乾隆己亥民婦劉氏封肝療姑病邑令李集上其事爲置產陂以是名

李集有記詳藝文舊志

白龍山城西百九十里卽龍山輿地紀勝頂有張黃二真人葬履壇前志入古蹟

捉馬山城西北五十里

天井山城北百七十里

亂石山城東北百二十里

鄖縣志

輿地卷二山川

十九

精舍山唐書地理志鄖鄉有精舍山本名獨山天寶中更今名

大嶺山城南四十里中有埡曰大嶺房竹通衢又南十

里曰小嶺埡以上俱見省志

四方山城南六十里上有祖師殿

青岩山城西南百五十里上多猿猴

車家山城南百七十里

四大坪山城西百里黃龍鎮座山昔土人鋤地掘出古井一口今於山麓建奎閣

白馬山城西南百里高數千仞四面壁立西臨堵水北望黃龍自鎮向南眺之真如天馬行空丹鳳下降上有龍泉三前明時修砦於此名曰金鞍可容萬餘人咸豐三四年又補修之左有天門山雙鳳砦

羊圈山城南百四十里

三峰山城南百四十里

黃寶山城南百里

木瓜荒山城西南百四十里形勢高大地寒人稀

鳳皇山城南八十里高翔若鳳

鄖縣志

輿地卷二 山川

二十

孤將山城西南七十里高而不險避難此山者往往誤事

滄嶺山城西二百四十里高萬仞西南界竹山形如船

艙中有古樹三共枝俱向武當

通志

老母山城西百九十里後有佛洞山

舊志

老砦山城西北七十里形勢險峻井泉俱備明季之亂鄉人避此砦保全甚多同治元年鄉紳余澂印率鄉人重修之

五豐山城西百二十里故錫長利之南豐山也高千仞

上卽五豐觀

焦孟砦山在五豐山後兩山對峙漢水流其中俱險峻  
焦砦係邑人何先甲重修孟砦上產九煮還陽草  
錫穴山城西百二十里東臨漢水北瞻天河在長利廢  
址東至今周山皆穴淘金者多窺伺焉鄉人禁之  
黃花砦山城西百三十里明季鄉人多避難於此  
天旗砦山城西百五十里甚高峻有井泉綿亙數十里  
形如旗

青岩砦山城西百六十里

鄖縣志

輿地卷二 山川

二十一

寶峰山城東七十里山形如螺塞龍門口上建寶峰閣  
熊家嶺城西百六十里高峻入雲冬寒積雪春末始消  
上有古樹三循山東去陡起魏家山鄖西鄉紳何中  
清率鄉人修保安砦其險可恃

青峰觀山城西百四十里起伏中有童山盤山西望漢  
水風帆如畫

聖母山城西百九十里左青龍岩右白虎岩後麒麟岩  
形勢險峻上有觀音祖師殿

黃鶴樓山城西二百三十里盤旋數層後卽四峰砦山

雞冠砦山城西二百四十里形如雞冠四圍險峻

關門山城東二十里與天門山對峙儼若門戶

玉錢山城東十里中有盤石一方上有石圈形如錢

碁子寨城東七十里四面壁立高峻有二大石屹立如  
猛將其巔寬平可容千人

熊坐山城東五十里黑石峻嶒形似熊坐故名

賽武當山一名伏龍山城南百六十里山南界房均高  
三十里茅塔河出其北

佛泉山城南百八十里西南皆房境

鄖縣志

輿地卷二山川

二十二

雞鳴山城南百四十里其西南下有龍泉遇旱鄉民禱  
雨輒應

停竺山城西南百六十里形勢高大中一峰名烏雲頂  
下有停竺寺龍泉二天旱禱雨輒應

牛頭山城南九十里形如牛頭上有砦

五龍山城西二百四十里後有狼虎山西北有金盆砦  
四圍皆險邑人金大鳴率鄉人修之

湘子殿山城南百七十里趙姓就險修寨前有雲蓋寺  
左有楊家砦右有胡家砦

大佛山城西二百二十里上有大佛殿一座

火燒寺山城西二百二十里昔有大寺一院明末燬於  
賊礎址猶存

白馬山城西二百里山形險峻金何庾三姓修砦於頂  
其南卽觀音砦

康廬二家山城西二百里高而不險後有高家山北臨  
漢水

三寶山城西十五里卽廣施山四圍皆平地湖田  
金魚山城西十五里上有白鶴觀以形似金魚得名

鄖縣志

輿地卷二山川

二十三

紅岩山城西十五里

陳家山城西七十里

金華砦山城西七十里上有些險峻可恃

古石箱山城西四十里峭立入雲中有巨石形如箱  
祖師殿山城西百二十里高數千仞

石門山城西百二十里兩岸石門夾峙水從中流故名  
白龍山城西北四十里孤峰獨秀形如旋螺上有廟曰

白龍曰太山遇大風燭光不搖山人祈禱多應下曰  
黑龍堖自縣赴鄖西必由是路

玉皇頂山城西百三十里

小孤山城西四十里在漢水中

大孤山城西六十里曰韓家洲卽水經注之堵陽縣也

通志

紅門山城西五十里中有堽土石俱紅如門然亦曰鬢

門爲入西津要路山下有鋪循山而去卽魏家山

老君山城西北七十里上有老君殿

紅岩山城西二百二十里甚險峻上有祖師殿咸豐辛

酉鄉人修砦於此

鄖縣志

輿地卷二山川

二十四

鳳皇山城西百七十里其形如鳳或云鳳皇曾三至此

故名交鄖西界

薑圪塔山城西北七十里又曰文筆峰其形如薑

界牌堽山城北百四十里秦楚通商要路

關子山城北百四十里險峻入雲自縣入商南必由之

石門山城北百四十里兩山壁立鑿石安門以通往來

劉家山城北百六十里形勢高大在滔水之北

岫峪山城北百四十里綿亙數十里北達荆子關上有

孫家砦險峻可恃

玉皇山城北百六十里高聳入雲上有玉皇殿祖師殿  
鄉紳曾修砦焉在丹水南

古路堽山城北百五十里甚高大上有古路盤旋而上  
左通商南右達南化

清風嶺城東十里

騎龍堽城東五十里

挖斷岡山城東北三十五里其路僅容一人

寨子溝山城北六十里尖峰環峙下有流水里許注爲  
潭潭深莫測味甘美

鄖縣志

輿地卷二 山川

二十五

青石峽城北十里兩山交峙水流其中

關門山城北六十里兩山對合中水曲流

鳳皇山城北百三十里在滔水北馬塘保極險峻

二龍山城東北百十里有大龍山東北界均州境上有  
大龍寨鄖均淅三州縣七保士民同修

雲臺山城北五十里高聳入雲上有祖師殿

梅子關山城北六十里

大井山城北百七十里

孤山城西百四十里在漢水中

通志

陡嶺城東二十五里

尖巖山城南百四十里懸岩峭壁上可容千人志通

青龍山城東北八十里甚高峻蜿蜒十餘里

鄖縣志

輿地卷二 山川

二十六

川

趙河今名小河城東三里一源出北山梅子關南盛水  
泉祠過黃畝一源出北山左家河過圩坪至汧河合  
流丙子河經譚家灣盛水堰由郡城小東門教場俱  
南入於漢舊志  
卜家河城東十五里源出斧山砦右時見時伏流三十  
餘里入漢  
楊溪河城東二十里源出黑龍泉青涼寺溝一源出鮑  
家溝會雲臺山左水流四十餘里入漢

鄖縣志

輿地卷二山川

二十七

細峪河源出細峪流四十餘里至嵎峪入漢

龍門河城東六十里源出白桑關桃溝河雙河南流合

後湖諸水過龍門川計百里餘至安陽口南入漢舊志

趙河口城北百三十里源出北山馬喊泉卽馬嘶泉左

左溪寺會梅子關北古路堽北山諸溪水至南化街

源流八十餘里北入湓河舊志

湓水口城東北百六十里源出商州山陽大竹園由商  
南及府屬鄖西界大山中白岩河一龍潭過趙家川  
至二龍潭入縣界北有岫峪溝至南化東南會趙河

水東溪溝東梁河至梅家鋪西寺溝經北亭街趙家溝源流三百餘里至盤道保東北出縣界東入丹河

志舊

堰河城西二十里源出北山中洞兒河埡洞子坡一源出觀溝埡先生河分流各五十里合流至武陽堰店南入於漢

清水河城西四十里源出北山小黑水河過黑龍潭紅門鋪流四十餘里南入漢

曲遠河城西六十里源出北山葛條埡一源出青竹溝

鄖縣志

輿地卷二 山川

二十八

地名想兒河一源出界牌埡曰黑水河流百餘里經

青銅關曲遠店合流南入於漢

志舊

火煤河城西百三十里源出大小土地嶺流三十里南入於漢

泥河城西北百三十里源出錫義山東北爲姬家河至東震寺軍家河入縣界經下營過風樓梘池流百二十里南入於漢

志通

茅塔河源出分水嶺賽武當山下鐘鼓廟過廖家營康家灣黃寶山白浪合田戶堰諸水北流至鴛鴦寺會

於茅箭河

茅箭河源出佛泉山爛柴溝至小川塘爲麻家河西河至茅箭塘經回龍寺鴛鴦寺白石坪萬家坪爲遠河流百八十里北入漢

神定河城南二十里源出雞鳴山大羅家川百二河經十堰店夏家店八畝地王家河流百二十里北入漢明一統志誤爲出竹山縣今正之

金魚河城南二里源出四方山茅坪一源出大嶺塘至沙州經白鶴觀三門天馬岩流五十里東北入漢

鄖縣志

輿地卷二 山川

二十九

茅窩河城西三里源出紅岩過雷祖廟匯爲柳陂湖過李家嘴孫家灣至茅窩東入漢

西流河城西百里源出牛頭山會四堰河諸水過花果園舊鋪灣一源出雞鳴山一源出停竺山合流過獅子塔相公嶺會大東溝大西溝諸水至小堰溝過莫家岡會舊鋪灣水經老人倉南會虎尾水源出木瓜園經九頃坪雙峰店黃龍鎮流百二十里西入於堵戴三溝城西百九十里源出停竺山北滿山中流四十里入堵

石花溝城西百三十里源出黃柏溝西南經瓦房灣流  
三十里入堵

甄峪河城西二百里源出滄浪山東流九十里至葉灘  
南入堵

貓臥溝城西百八十里源出老木荒山流十五里北入  
堵

門樓溝城西百七十里源出滄嶺山東流六十里南入  
堵

余河城西百六十里源出滄嶺山流五十里南入堵

鄖縣志

輿地卷二 山川

三十

大峽河城西百六十里源出老母山北名大堰河一源  
出青巖砦經郭家店小花果園一源出天旗砦山名  
鮮魚溝會於姚家灣迴馬洞舒家店合流九十里東  
南入堵

小峽溝城西百一十里源出天旗砦玉皇頂流四十里  
入堵

塔峪河城西八十里源出金花砦山流四十里北入漢  
大小石二溝城西九十里源出金花砦山流各三十里  
北入漢

安城溝城西百里源出祖師殿一源出玉皇頂二水合流至三汊五十里北入於漢

豐里河城西北百二十里源出天旗砦山一源出青巖砦山一源出熊嶺合流經石門兩汊河挖繼岡爲花瓶河過故長利郡豐利縣南豐店五豐山東豐乾明寺計五十餘里北入於漢

洞青溝城西百五十里源出石盤山一源出熊嶺至三汊合流經觀閣石過風樓龍虎石仙風洞北入於漢過風樓上建文昌閣春山社學有熊嶺積雪廣山行

### 鄖縣志

#### 輿地卷二 山川

三十一

雲童山晚照陳洲曉煙龍潭瀑布鳳岫插天龍虎石鬪福隆長春八景碑記

洄水溝城西百六十里源出熊嶺西流二十里入漢將軍河城西百六十五里源出東界嶺滄嶺山一源出左吉關唐家坪雞公河馬流河東河西河合流過桃園葬履潭鮑家店余家灣兩河口一源出龍山後桃溝壩一源出觀音砦南溝一源出火燒寺嶺葛條壩一源出黑虎壩段樹壩合流過陳家莊雷家廟兩河口合經戴家灣至將軍河塘北東入於漢

舊志

紅石河城西百九十里源出左吉關漫營一源出黃龍  
洞合流過順水寺廟巷蔡家灣大坪陳家莊經白河  
廳舊址下出縣界至毛家嘴會白河水過白河縣城  
南東北人於漢舊志誤爲入將軍河今正之

木瓜溝城西二百里

通志

董家溝城西百四十里源出娘娘山廣山流二十里至  
孤出塘人漢

鄖縣志

輿地卷二山川

三十二

巖

阿姑巖城北百里

星月巖在鮑家保

月巖在唐家坪保石山壁立有窟如月故名

八仙巖在將軍保半山有八石屹立如入形

打兒窩巖在大堰保岩半有生成石洞俗傳以石拋擲能入洞者可生子

上天梯生成石梯七級在大堰保一在唐家河保鑿成七十餘級

鄖縣志

輿地卷二

山川巖

三十三

半邊巖西有龍戲珠石山自下而上作昂頭狀另有圓

淨懸峰嵌列龍頭之上在大堰保

滴水巖高數十丈上有飛瀑在大堰保

魯班巖在十堰保山石如界尺斜立層疊

仙女巖在土門保上有仙女腳跡廟前有龜蛇二山

難把巖壁立數百仞下臨漢水甚險行人失手則墜入水中鄉紳何中清鑿而通之在將軍保

魚藏巖在南化保先年巖腹有洞每遇清明魚隨洞水從中流出乾隆初因取魚滋事地方官鎔鐵封之

洞

千佛洞在城西關保

仙女洞城東北七十里峭壁嶙峋洞口有石如來三尊

上則泉聲淅瀝下則石滴玲瓏洞內屈曲數武有田縱橫畝許絕似町畦號曰百畝田土人每偵其田有水以爲豐年之兆又數十武深黯不測風聲激盪若奏管絃有時復似雷聲相傳昔有仙女居此

武陽洞鄖八景之一

觀音洞在觀音保

鄖縣志

輿地卷二 山川洞

三十四

老虎洞城東南五里

龍洞在大堰保兩山交合水從中出溝口如門外狹內濶長十數里茂林修竹松柏交蔭一在將軍保

瀑布洞在青巖保

白龍泉洞在圩坪保

黃龍洞在紅石保

和尚洞在東溪保上下陡削內頗平坦旁有泉水中塑佛像

紅巖洞在唐家坪保

烏龍洞在青岡保

白龍洞在青巖保

天佛洞在木瓜保

猿猴洞在筍廠保白馬砦山後

洞子石峽在將軍保兩山峙立水由中行長七里許爲

通白河縣捷徑

年家埡洞在唐家坪保

朝陽洞在觀音保

熊洞在王二保龍門老砦

鄖縣志

輿地卷二 山川洞

三十五

尖角洞在圩坪保

龍泉洞在黃畈保洞口僅容一人中甚幽邃莫窮所之

佛爺洞在唐家河保

觀音洞在唐家坪保

仙風洞在孤山保

白龍洞在大堰保

風洞在龍東保石雞山中夏日寒風襲人冬則如釜如

甑

青龍洞在塔峪保

羅漢洞在八畝保中塑十八羅漢像

五靈脂洞石巖壁立約高五百丈有奇出五靈脂在青

岡保

石

龍虎石在漢水傍橫二巨石黑質白紋一如龍鱗角畢

具蜿蜒夭矯一如虎昂首蹲足猛摯如舞在遼瓦保

龍窩

馬鬣石峙立漢水中皆青色舟中觀之若馬鬣然在清

水保

鄖縣志

輿地卷二山川石

三十六

火燒石峙漢水中自巔至麓皆赤色在清水保

蓮花石形如青蓮花瓣無數高峙水中在清水保

蝦蟆石在堵水中彷彿蝦蟆浮於水面在甄城保

將軍石高數丈峙立堵水間一遇水漲石下淙淙儼作

鼓聲在皮鼓保

笏板石形如牙笏亦名鷹觜石在黃龍灘

令牌石高丈餘峙漢水岸每遇水漲有礙行舟在塔峪

保

觀閣石上建文昌閣外有龍虎石青色壁立白紋如畫

有龍騰虎臥之象在孤山保

曬穀石其方如印開展平坦可以曬穀在鮑家保

落星石乾隆年間星隕於此今猶存在將軍保

磊石巨石三塊層壘峙立有水環繞亦名磊石河在白

桑保

牡豬石形如豬後有小黑石無數似豬之小者又有雞

冠石皆為行舟之患在王莊保

雞冠石形如雞冠朝霞映之若塗硃然在安陽保

烏龜石其形如龜在孤山保

鄖縣志

輿地卷二 山川石

三十七

花瓶石橫峙豐里河中在東西豐保

香鑪石在泥河保下營

寨堡

東鄉

興隆寨 梅家保

盤螺寨 八畝保

青龍寨 八畝保

雙和寨 盤道保

人和寨 江峪保

江峪寨 江峪保

鳳皇寨 東良保

疆嶺寨 八畝保

佛祖寨 葛鳩保

鳳皇寨 八畝保

雲霧寨 細峪保

黃龍寨 峪保

靈鳳寨 烏峪保

青龍寨 峪保

白虎寨 峪保

蓮花寨 八畝保

全生寨 龍東保

將軍寨 龍東保

柳泉寨 八畝保

大龍寨 龍東保

梅家寨 梅家保

關帝寨 黃柿保

鮑家寨 余家保

萬安寨 梅家保

青龍寨 梅家保

靈鳳寨 八畝保

九崇寨 八畝保

石板寨 八畝保

烏龍寨 烏峪保

西鄉

白巖寨 舒家保

白龍寨 迴馬保

太平寨 迴馬保

二龍寨 迴馬保

蜂兒岩寨 迴馬保

黃柏寨 黑虎皮鼓界

香鑪寨 王二保

龍門老寨 王二保

金鞍寨 二筍廠黑虎界

鄖縣志

輿地卷二 山川寨

三十八

天旗寨 東古西豐保

青巖寨 東古西豐保

石龍寨 王二保

黃花寨 東西豐保

桃子寨 王二保

紅岩寨 泥河保 祖師殿上

五峰寨 王二保

娘娘寨 泥河保

望母山寨 泥河保

四峰寨 將軍保

雲蓋寺寨 泥河保

雙鳳寨 筍廠保

金盆寨 將軍保

廣山寨 孤山保

老陰寨 將軍保

保安寨 孤山保

高家寨 將軍保

洞子寨 孤山保

白馬寨 將軍保

焦贊寨 東古西豐保

將軍寨 將軍保

孟良寨 東西豐保

天保寨 將軍保

雙保寨 遼瓦保

楊家寨 豐水保

青龍寨 遼瓦保

安逸寨 紅石保

石板寨 木瓜保

韓家寨 鮑家保

雙保寨 鮑家保

花巖寨 唐家坪

紅巖寨 鮑家保

太平寨 唐家坪

雷公寨 鮑家保

天保寨 唐家坪

三星寨 唐家坪

雞公寨 唐家坪

罐盂寨 唐家坪

皮鼓寨 皮鼓保

興隆寨 皮鼓保

得勝寨 皮鼓保

盤龍寨 葉門保

陡嶺寨 葉門保

臥虎寨 葉門保

蠟燭寨 葉門保

朝陽寨 葉門保

漫寨 葉門保

鮑家寨 葉門保

南鄉

馬家寨 唐家河

盤石寨 唐家石河庵昔

鄖縣志

輿地卷二 山川寨

三十九

薄家寨 唐家河

牛頭寨 十堰保

天保寨 花園中傘竹

劉家寨 火鑪保

老虎寨 尖山保

黃花寨 火鑪保

高尖寨 土門保

明巖寨 傘竹保

雙鳳寨 土門保

馬鞍寨 傘竹保

黃花寨 傘竹保

紅巖寨 傘竹泉保亦

三峰寨 傘竹保

滾子坪寨 大藏保

安營寨 黑虎保

雞鳴寨 傘竹保

黨家寨 大藏保

李廣寨 梘堰砦保

三保寨 大藏保

大寨 大藏保

小寨 大藏保

南垵寨 大藏保

瓦渣溝寨 大藏保

西山寨 大藏保

大藏溝寨 大藏保

小虎尾寨 大藏保

北鄉

石人寨 蝴蝶保

五福寨 蝴蝶保

斧山寨 斧山保

林落寨 觀溝保

老君寨 化山保

長生寨 東溪保

保全寨 圩坪保

鮑家寨 圩坪保

田家寨 東溪保

太和寨 南化保

元家寨 南化保

三才寨 龍洞山保

陳家寨 龍洞保

長生寨 龍洞山保

玉皇寨 龍洞保

長春寨 化山保

中峰寨 龍洞保

博嶺寨 甘津保

長生寨 趙河保

袁家寨 甘津保

吳家寨 甘津保

鄖縣志

輿地卷二 山川寨

四十

黃龍寨 青岡保

九龍寨 馬塘保

陳家寨 青岡保

卦山寨 甘津保

呂家寨 趙河保

劉陳寨 化山保

坪

大坪在大堰保九里岡四山環抱山明水秀又一在紅石保

天坑坪在龍洞保山頂

四大坪山高數十仞頂上有坪其形方農人掘之得井在黃龍鎮後

長坪有上下二坪相距十餘里田地數頃上卽長坪塘在傘竹保

秦家坪在黑虎保

鄖縣志

輿地卷二山川坪

四十一

尖山坪在尖山保

萬家坪與白石坪相連在萬家保

天溝坪在唐家河保

茅坪在茅坪保

八畝地坪在圓通保

久經坪在筭廠保

栗子坪山高數十仞四圍懸巖峭壁中有小路一條盤旋而上可以避難在大堰保

白浪坪一在甘津保一在茅箭保

唐家坪有上下二坪在唐家坪保

豐里坪有二東豐平田西豐旱地卽長利郡豐利縣故

址在東西豐保

軍家坪在唐家坪保又有漆家坪通竹山路

馬房坪在花園保

圩坪在圩坪保

黃家坪在茅窩保

藍家坪在藍家保

灘

鄖縣志

輿地卷二山川坪

四十二

大旋灘

武陽灘

馬鬣灘

遼瓦灘

走馬出洞灘

古石灘

三難灘

小難灘

大難灘

塔峪灘

黑灘

老鴉灘

金漆料灘

緊急灘

小鳴灘

大鳴灘

羅港灘

磬口灘

瀛洲灘

白石灘 縣西與陝西白河縣

交界處

龍滾灘 十景之一

琵琶灘

尖灘

陡灘

劉家河灘

張公纜灘

以上漢江灘名

崩灘

方灘

小沈灘

大沈灘

獅子灘

黃龍灘

鄖縣志

輿地卷二 山川灘

四十三

皮鼓灘

響七里灘

余河灘

萬港潭灘

葉灘

以上係陡河灘名

潭

蓼池潭 漢水至此匯為深淵 潛魚甚多在蓼池保

龍灣潭 孤山中峙 漢水歧流 巨石深潭 在遼瓦清水三

保

豐潭在東西豐保

萬港潭在葉門保

羅港潭大勢與龍灣同而形較短在孤山保

青龍潭城東十五里每旱禱雨輒應知府王正常題曰

靈泉

二龍潭在青岡保

洞子潭兩山夾峙匯爲深潭又一在黑虎保一在將軍保

木龍潭在瓜子保

渡口

鄖縣志

輿地卷二 山川潭

四十四

金魚渡城西一里 鄧家渡城南一里

焉家渡城東十八里 老虎洞渡城東南四里

蓼池渡城東七十里 白果樹渡城東四十里

遠河渡城東九十里 茅窩渡城西二里

三家渡城西十五里 黃龍渡城西二十五里

蝦蟆渡城西三十里 油坊渡城西三十五里

遼瓦渡城西五十里 鄭家渡城西五十里

堵河渡城西六十里 絹子渡城西六十五里

店峪渡城西七十里 五門渡城西八十里

黑家渡城西九十里 九灣渡城西百零五里

花黎渡城西百里 塔峪渡城西百十五里

亂船渡城西百二十里

歸仙渡城西百二十五里

小石渡城西百三十里

竹米渡城西百三十五里

大石渡城西百四十里

鮑家渡城西百五十里

安城渡城西百六十里

鄖縣志

輿地卷二 山川 渡

四十五

晏家渡城西百六十五里

黑炭渡城西百七十五里

天河渡城西百九十里

火煤渡城西二百里

泥河渡城西二百一十里

孤山渡城西二百二十里

洞青渡城西二百三十里

迴水渡城西二百四十里

將軍渡城西二百四十五里

板橋渡城西二百五十里

羊尾渡城西二百六十里

木瓜渡城西二百七十里

崩灘渡城西南七十里

方灘渡城西南七十五里

徐家灣渡城西南九十里

沈灘渡城西南百里

黃龍灘渡城西南百二十里

棗園渡城西南百三十里

鄖縣志

輿地卷二

山川渡

四十六

松樹灣渡城西南百三十五里

石花溝渡城西南百六十里

皮鼓灘渡城西南百七十里

余河渡城西南百八十里

門樓溝渡城西南百九十里

貓臥河渡城西南二百里

葉灘渡城西南二百二十里

甄峪河渡城西南二百三十里

花山渡城北百二十里

南化渡城東北百二十里

琵琶渡城東二十里

瀛洲渡城東十五里

神定渡城東十五里

安陽渡城東六十里

橋

會仙橋北門內

永濟橋城東三里明正德中知府鄭諫建

東門橋距城八里

鄭縣志

輿地卷二 山川 橋

四十七

龍安橋城西南五里

楊家橋城西南五里

李家溝石橋在梅家保旁有古柏二株

楊泗廟石橋在梅家保

萬福橋在梅家保

平安橋在梅家保

高□橋在唐家坪保

大□橋在柳陂保

朽木橋在青岡保

神定橋城東南十五里

金魚口橋城西距渡口二里

大嶺橋城南三十五里

魯家橋城東六十里

七里橋城東七里

馬湖橋在盤道保

雙鳳橋在筍廠保

連三橋在將軍保

朱公橋在瓜子保

鄖縣志

輿地卷二 山川橋

四十八

泉

白龍泉冬夏不竭黃龍鎮居民皆食此水鄉紳余滌廷偕士民建祠祀之

馬嘶泉省志東北百四十里相傳漢光武屯兵處馬忽嘶卽地掘之得泉因名元至正年間建黑龍廟

德 泉城西南百四十里

黃龍泉在筍廠保四大坪山麓

聖母山龍泉在將軍保一在泥河娘娘山

白龍泉在迴馬保修真觀禱雨輒應

黑龍泉在筍廠保白馬寨半山中一在余家保泉水經處漑田計種三十餘石

定慧龍泉在筍廠保

冷水山泉在嵒峪保清冽異常天旱禱雨輒應

湧珠泉在龍東保金光杰有記見藝文

荷花泉在烏峪保

五股泉漑田三百餘畝中有金盆銀盆二坵收成倍於他田在江峪保

欄門石水泉清明節前後有小魚躍出

鄖縣志

輿地卷二 山川泉

四十九

老龍泉在八畝保漑田甚多上有黑龍廟

硃砂泉在八畝保相傳舊出硃砂故名

大龍寨有龍泉二在龍東保前沈朱二太守稱其祈禱必應見斷碣中

白水泉在瓜子保

井

通益井城東角指揮蔡洪鑿

靈泉井明倫堂東教授林典鑿

品字井府治前街邑令戴炎鑿

胡公井知府胡倫鑿以上舊志

院 井在舊撫治卽今試院王世貞鑿

穆公井在總鎮東轅門外總兵穆生輝鑿

考棚井在試院東轅門外康熙十六年治標左營副將

吉略重浚郡紳李紹賢撰記

都司井在都司二門外東邊都指揮僉事徐祥鑿

保安井迎恩觀大街南

廨公井府署吏舍知府王傳鑿

宣和井東門內大街南

鄖縣志

輿地卷二 山川井

五十

鄖陽衛井本衙二門東指揮同知甄昂鑿

東關井東門外大街南

官泉井城東俱指揮同知馮景鑿

元武井北門內大街南

興善井城東南俱指揮僉事張鳳鑿

中街井縣治西街北

阜民井大南門內鄖陽衛張廣鑿歲久湮塞嘉慶二年

士民段其質張欽若羅增壽等捐資浚修道光間復

修之

大豐井大豐倉東街北俱鄖縣知縣伍夔鑿

皇華井鄖陽驛東驛丞高諒鑿

供佛井興福寺東街北都綱司性淳鑿

元公井迎恩觀西街北千戶黃政鑿

以上二十三井俱前明宏治丙辰間所鑿名曰義井  
距今數百年多坍塌淤塞周易井養不窮昔人便之  
其井廢其名尙存因總志之前撫治沈暉有十井記

詳藝文

文佛井在金家坪天坑溝樓房溝各處人民皆取飲於

鄖縣志

輿地卷二山川井

五十一

此又名井溝

李家井在茅窩保

扳倒井在王莊保

關帝廟古井在黃龍灘

豐里井在東西豐保

甘井相傳有古井一口蓋以石板動則雷鳴今呼爲  
甘井在甘津保

堤堰湖塘

吳公堤城東南舊有石堤捍江明成化閒江漲堤圯撫

治吳道宏修高八尺闊倍之長三百餘丈

盛水堰城東五里明撫治王鑑之重修 有記不錄

武陽堰城西二十里明撫治王鑑之重修 有記詳藝文

十 堰城南六十里

白龍堰城西南百四十里

久經坪堰城西南九十里

甄家堰城北一里

雙龍堰城南七十五里

柳陂湖城南十二里

鄖縣志

輿地卷二 山川 堤 堰 湖 塘

五十二

橫 塘城東百里

方 塘城西十里

鹽池塘在龍洞保

月竹堰在傘竹保

虎峪堰在黑虎保

黃畝堰城東北四十里

風俗

鄖陽古志民多秦音俗尚楚歌務農少學流寓雜處羣書備考介荆陝之間萬山盤互其民刀耕火種易動難戢蓋楚之輕剽秦之强悍兼而有之

皇輿考昔多勁悍強毅之習近有禮義廉恥之風廣輿圖土薄民醕近亦多訟

方輿勝覽男子燒畬爲田女子積麻爲布以給衣食楚故略民性樸魯簡嗇流寓多而土著少

徐氏海隅集鄖介雍梁之交其地多崇岡豐筭民事儻

鄖縣志

輿地卷二

風俗

五十三

悍而憚拘押雖歲時羣處往往以財力雄長有俠風四方遊民其瑣尾化離與挺而走險者多逸其中久而滋煽因易爲亂承平以來劇盜數起始議更邑爲郡治之繼命中臺大臣開府秉鉞爲重鎮焉然後威略亢棱強暴稍伏稱康艾矣

通志

府志禮樂興行士風丕變

通志

舊志風俗秀美泉甘土肥用多竹器信鬼不藥

以上見於羣書搜羅舊乘撮其大略用誌舊聞以今揆之風土人情與時轉移

國家教澤涵濡民俗漸進於醇括其體要而明禮讓敦古  
樸有蒸蒸日上之風焉

士子誦讀爲本兼務農業者多食用一切悉安樸素尚  
無奢靡習氣不以服美矜夸與人交接概從質實頗  
少涼薄之風近來士氣日振仕籍漸增率皆敦崇勤  
儉力戒華侈訓子弟禮教爲先一以厚道爲民倡有  
不如是者鄉里相與非議之

縣境崇山峻嶺水險灘高農民服田力穡較他處尤爲  
勤苦開山闢土專恃人力理有固然而水利之難奚

## 鄖縣志

### 輿地卷二

風俗

五十四

畜倍蓰近山則渠路易塞濱河則洪水易刷然刀耕  
火種習以爲常終歲勤動作息相忘服先疇者無論  
矣其佃地納租者閒或於農隙肩挑背負補衣食之  
不足婦女頗知營蠶事春桑初生績箔養之繭成而  
售以有易無故地方無凍餒之民者以惰農尚少故  
也

工多來自他方民俗習於質樸凡奇工匠作無所用之  
卽有流寓謀食者大半土木常技如陶瓦剗竹居家  
需用等事此外不過織布績麻各勤生業而已

郡城濱漢江西通興安東達襄樊爲商賈往來所必經  
四鄉市集或數百家或百數十家緣山傍溪列屋爲  
肆貿易大小不同作僞淫蕩者尚少卽本地素封之  
家從無綺羅珠翠之飾故商賈珍寶異物至者絕少  
婚媾人倫之始請媒妁備庚帖納采請期親迎完婚之  
日催妝撤帳置酒宴賓佐以鼓樂遵禮隨俗各從其  
宜然嫁娶一切聘匱皆知稱家有無幣帛厚薄任所  
弗論抑或偶有入贅禮亦大同小異至以壻作子異  
姓亂宗不明大義近日此風業已寢息

鄖縣志

輿地卷二

風俗

五十五

慎終之道喪葬以禮爲重鄖俗自屬續棺殮成服題主  
卜吉發引安窆亦與禮制大略相同惟弔唁者勿論  
戚族給白布數尺纏頭謂之散孝帛又有不論親朋  
各予一巾布者謂之滿散孝相傳已久紳士之家亦  
皆從俗行之抑或延佛誦經鼓樂喧闐徹夜不息甚  
至僧道齋醮游街拜廟習俗相沿循禮義者深以爲  
非

立春前一日府縣官率屬盛儀仗迎春於東郊高擡裝  
演戲齣觀者如堵迎春先一日春官著綵衣率裝戲

演於公堂鼓樂吹笙宣唱吉語謂之演春又迎春之日城鄉民人察看土牛頭身腹角耳尾膝蹠係何顏色及芒神繫腰行纏左右鞋袴全否牛在前後左右立以覘歲事而卜豐嗇惟老農多悉之立春日春官於紳士人家送土牛乘陽氣也

正月朔日爲元旦紳士居民肅衣冠焚香祀神敬祖先燃爆竹出天方迎祥迪吉然後尊卑以次羅拜謂之拜年拜畢飲屠蘇酒非獨鄖邑然也親族賀年以三日內爲敬第三日取年前所設松柏枝懸於門首者

## 鄖縣志

### 輿地卷二

風俗

### 五十六

並舊年所換桃符向東焚香燎之蓋貞下生元除舊迎新義如是也自此肆筵設席互相酬酢謂之請春洒其豳風所云爲此春酒以介眉壽之意乎

十五日爲上元節通衢張棚結綵火樹銀花燈燭輝煌又有火龍竹馬獅子皆以紙竹裝點爲之而明光一照翹翹欲活居然自他有耀謂之元宵燈會是日家家各以酒米治粉團食之象形兼會義也十六日挈壺郊游謂之游百病羣謂此日出游百病不生亦習俗然也

二月初一日爲中和節十五日爲花朝節種瓜蒞耘麥苗此平秩東作農民春耕之始

三月清明日祭先拜墓翦紙旗焚香楮亦時祭之意世俗相沿或約親友於拜墓後徧覽郊外攜酒看山爲樂謂之蹋青

四月八日爲浴佛會荆楚皆以是日諸寺各設齋以五香水浴佛作龍華以爲彌勒下生之徵今俗多用硃書咒語謂之嫁毛蟲農人燒畚治田乘時布種自此無暇日

## 鄖縣志

### 輿地卷二

風俗

### 五十七

五月五日爲天中節是日作艾虎插蒲劍於門取辟邪之義家家各以箬葉裹糯米爲糉曰角黍又製紗囊雜香屑繫以五色絲綫謂之續命縷是日舟人競渡五色畫船繪作游龍簫歌鼓鐃逐波上下懸標奪錦名曰划龍舟觀者集於河干

六月六日爲天貺節人家曝衣曬書不生蟲蠹

七月七夕爲牛女會銀河之期前期人家幼女用豌豆浸水中令芽長數寸以紅箋束之名曰巧芽至是夕婦女幼穉焚香於庭獻瓜果禱天孫以乞巧用瓷碗

盛水取芽投之復於月光下照之影如綵鍼花瓣或似魚龍遊戲謂之得巧

十五日爲中元人家各設祭筵祀祖先至夕於大門外焚香楮醜酒醴兼祭戚黨親友亡者荆楚歲時記相傳僧道奉盂蘭盆供養諸佛又於河中放燈作盂蘭會鐘聲梵音朗朗四達徹夜不息

八月十五日爲中秋節家家作月餅嵌以采色花卉式樣互相餽遺是夜於月出時設瓜果酒醴於庭焚香慶月街市燈火輝煌歌管遏雲瞻仰月華共喜團圓

## 鄖縣志

### 輿地卷二

風俗

五十八

九月九日爲重陽佩茱萸囊以辟惡也飲菊花酒以延壽也士人每相約登高覽勝賦詩言志

十月朔日祭先拜墓與清明同蓋本春露秋霜之義又以五色紙翦作花繪服色式樣或和香楮焚化或挂於塋上謂之送寒衣

十一月冬至日農功告竣家家設酒饌供祖先紳士家必聚族於祠堂中虔祭祖先悉遵家禮儀節

十二月八日用五穀摻和煮粥雜以菜果謂之臘八粥凡釀酒之家必取臘水爲之經年不壞造醋亦必取

臘水煮紅高粱爲粥盛於缸封固至次年春木旺之時方可造醋

二十三日祀竈以雄雞獻竈糖以糖作餅果品時物供奉具備又翦草和豆並香楮焚之謂之竈神馬料亦有二十四日祀竈者

三十日爲除日設饌祭先畢闔家歡聚序長幼別男女以卑承尊然後分坐次進肴饌謂之延年飯家家製春聯換桃符門第一新是夕然香火爇紅鑪家人圍坐聚談謂之守歲但聞爆竹之聲通宵達旦直有萬

鄖縣志

輿地卷二

風俗

五十九

條紅燭動春天氣象

地方剛柔異性燥溼異宜風俗各隨地氣轉移所操土音是其明徵縣屬土音合荆楚者十之九而西北間或近秦音東北間或近豫音然風俗習尚仍皆與荆楚相同秦豫風氣均不相屬

里社

縣分十九里舊志一百零九保今計一百十五保每保置保正保各分甲每甲置甲長

在城

新仁保一甲 三桂保一甲 儒林保一甲

鼓樓保一甲 迎武保一甲 北樓保一甲

東關保一甲 西關保一甲

東鄉

蕭公保城東七里三甲與楊溪豐宜二保相連

鄖縣志

輿地卷二 里社

六十

楊溪保城東十五里六甲與斧山蕭公余家三保相連

內有瀛洲趙家二保因居民稀少今併入此保

斧山保城東北三十五里二甲與余家楊溪圩坪三保

相連

余家保城東四十里一甲與嵒峪斧山楊溪三保相連

嵒峪保城東四十里二甲與楊溪細峪余家安陽四保

相連

細峪保城東四十里五甲與安陽嵒峪二保相連

圩坪保城東北四十里二甲與黃畝東溪斧山白桑黃

柿五保相連

安陽保城東五十里一甲與王莊細峪嵒峪三保相連  
王莊保城東五十里一甲與雙河安陽二保相連交均  
州界

雙河保城東六十里四甲與王莊龍東桃溝三保相連  
黃畝保城東北六十里二甲與圩坪東溪柿子三保相  
連

龍東保城東七十里七甲與雙河桃溝黃柿三保相連  
白桑保城東七十里四甲與細峪嵒峪黃柿余家四保

鄖縣志

輿地卷二 里社

六十一

相連

桃溝保城東八十里二甲與麻峪柏家龍東雙河四保  
相連

麻峪保城東八十里二甲與栖寺柏家桃溝東良四保  
相連

柏家保城東八十里二甲與桃溝麻峪白桑三保相連  
東溪保城東北八十里三甲與黃柿圩坪黃畝南化四  
保相連

上津保城東北十五里三甲與黃畝圩坪莫鐵三保相

連

梅子保城東九十里二甲與八畝麻峪柏家三保相連  
黃柿保城東百里二甲與龍洞馬塘東溪白桑四保相連

連

趙河保城東北九十里四甲與蝴蝶南化藍家化山四保相連

保相連

八畝保城東百一十里二甲與梅家栖寺東良梅子白桑五保相連交淞川界

東良保城東百二十里三甲與栖寺八畝麻峪三保相

鄖縣志

輿地卷二

里社

六十二

連

栖寺保城東百三十里三甲與盤道東良八畝三保相連

連

梅家保城東百四十里三甲與梅子盤道二保相連  
葛鳩保城東百四十里二甲與盤道栖寺黑豆三保相連

連

烏峪保城東百四十里四甲與盤道葛鳩江峪三保相連

連

盤道保城東百五十里六甲與黑豆葛鳩二保相連交

浙川界

黑豆保城東百六十里六甲與盤道葛鳩二保相連交均州浙川界

西鄉

茅窩保城西三里五甲與柳陂普高白遼瓦三保相連柳陂保城西十五里二甲與茅窩普高白遼瓦三保相連

遼瓦保城西三十里一甲與柳陂甄城牛家茅窩四保相連

鄖縣志

輿地卷二 里社

六十三

甄城保城西七十里五甲與遼瓦筍廠牛家傘竹黑虎花園六保相連

走馬保城西五十里五甲與遼瓦清水塔峪曲遠四保相連

塔峪保城西七十里四甲與走馬清水小石甄城黃龍五保相連交鄖西界

大小石保城西百里二甲與塔峪宿家二保相連交鄖西界

宿家保城西百一十里二甲與塔峪黃龍安城廻馬大

小石五保相連交鄖西界

安城保城西百二十里三甲與黑楸宿家廻馬三保相連

黑楸保城西百二十里四甲與安城東西峰鮑家三保相連交鄖西界

東西峰保城西百三十里六甲與黑楸廻馬王二豐水孤山泥河六保相連交鄖西界

泥河保城西百四十里三甲與孤山東西峰二保相連交鄖西界

鄖縣志

輿地卷二 里社

六十四

孤山保城西百五十里二甲與泥河東西峰將軍三保相連交鄖西界

舒家保城西百二十里三甲與黃龍廻馬二保相連廻馬保城西百四十里四甲與舒家王二黑楸三保相連

王二保城西百五十里三甲與廻馬鮑家東西峰三保相連

鮑家保城西百七十里八甲與王二豐水東西峰唐家坪四保相連

豐水保城西百八十里三甲與將軍孤山鮑家東西峰  
四保相連

唐家坪保城西二百二十里一甲與鮑家將軍葉門三  
保相連交竹山界

將軍保城西百八十里十甲與唐家坪豐水紅石木瓜  
四保相連交鄖西界

木瓜保城西二百里三甲與將軍紅石二保相連交鄖  
西白河界

紅石保城西二百三十里二甲與將軍木瓜二保相連

鄖縣志

輿地卷二 里社

六十五

交白河竹山界

筍廠保城西百里五甲與甄城黑虎黃龍皮鼓四保相  
連

黃龍保城西百一十里四甲與宿家塔峪舒家筍廠四  
保相連

黑虎保城西南九十里六甲與甄城筍廠皮鼓大藏傘  
竹五保相連

傘竹保城西南八十里四甲與花園梘堰唐家河大藏  
四保相連交房縣界

大藏保城西南百六十里四甲與傘竹黑虎皮鼓葉門  
四保相連

葉門保城西南百九十里六甲與大藏唐家坪二保相  
連交竹山房縣界

皮鼓保城西南百三十里四甲與大藏黑虎葉門三保  
相連

南鄉

普高白保城南二里三甲與茅窩茅坪柳陂牛家石廠  
鄧家六保相連

鄧縣志

輿地卷二 里社

六十六

鄧家保城南二里二甲與普高白松林神定三保相連  
神定保城南十五里二甲與鄧家松林界山三保相連  
石廠保城南二十里三甲與普高白茅坪二保相連  
茅坪保城南四十里六甲與石廠尖山牛家三保相連  
松林保城南二十里四甲與神定鄧家圓通火爐四保  
相連

圓通保城南四十里二甲與土門松林火爐三保相連  
土門保城南五十里三甲與圓通火爐十堰尖山四保  
相連

界山保城南三十里四甲與神定蓼池秦店三保相連  
秦店保城南五十五里二甲與界山萬家火爐圓通四  
保相連

羅溪保城南五十里二甲與松林萬家秦店三保相連  
蓼池保城東南六十里一甲與界山秦店遠河三保相  
連

遠河保城東南六十里三甲與萬家蓼池二保相連交  
均州界

火爐保城南六十里四甲與茅箭土門尖山羅溪三保

鄖縣志

輿地卷二里社

六十七

相連

牛家保城南五十里三甲與普高白遼瓦花園尖山茅  
坪五保相連

尖山保城南五十里十甲與茅坪土門十堰梘堰牛家  
五保相連

花園保城南七十里二甲與牛家遼瓦傘竹梘堰尖山  
五保相連

萬家保城南七十里一甲與秦店蓼池羅溪茅箭四保  
相連交均州界

伏龍保城南百二十里五甲與茅塔相連交均州界

梘堰保城南七十里二甲與花園尖山十堰傘竹四保  
相連

十堰保城南七十里十甲與土門尖山茅箭梘堰四保  
相連

茅箭保城南八十里三甲與十堰萬家青巖茅塔四保  
相連

茅塔保城南九十里四甲與茅箭伏龍二保相連交均  
州房縣界

鄖縣志

輿地卷二 里社

六十八

青巖保城南百三十里三甲與茅箭唐家河二保相連  
交房縣界

唐家河保城南百六十里四甲與十堰傘竹茅箭青巖  
四保相連交房縣界

北鄉

豐宜保城北三里三甲與觀音莫鐵蕭公三保相連  
觀音保城西北五里一甲與武陽莫鐵二保相連

武陽保城西北十五里一甲與觀音大堰馬昌三保相  
連

莫鐵保城北十五里一甲與黃畝先生梯子上津四保相連

大堰保城北二十五里一甲與武陽桃花先生藍家四保相連

馬昌保城西北二十五里一甲與清水桃花大堰三保相連

梯子保城北三十里三甲與黃畝莫鐵先生三保相連  
先生保城北四十里二甲與梯子藍家莫鐵三保相連  
清水保城西北五十里三甲與桃花馬昌曲遠三保相連

鄖縣志

輿地卷二里社

六十九

連

藍家保城北五十里四甲與大堰瓜子趙河三保相連  
桃花保城西北五十里三甲與大堰曲遠清水馬昌四保相連交鄖西界

曲遠保城西北六十五里七甲與清水桃花二保相連交鄖西界

瓜子保城北百里五甲與蝴蝶相連交商南鄖西界  
蝴蝶保城北百里五甲與瓜子南化趙河三保相連  
化山保城北百二十里五甲與龍洞南化趙河三保相連

連

南化保城北百二十里二甲與化山趙河青崗蝴蝶甘  
津五保相連

龍洞保城北百三十里二甲與八畝黃柿觀溝化山四  
保相連

觀溝保城北百三十里五甲與八畝江峪龍洞三保相  
連

馬塘保城北百六十里三甲與觀溝八畝黃柿三保相  
連

鄖縣志

輿地卷二 里社

七十

青崗保城北百六十里三甲與甘津南化二保相連

白馬保城北百七十里二甲與江峪甘津二保相連交  
浙川界

古窰保城北百八十里三甲與江峪烏峪二保相連  
江峪保城北百八十里二甲與古窰觀溝二保相連交

浙川界  
甘津保城北百八十里三甲與青崗南化白馬三保相

連交浙川界

關隘

鄖關城西

伏龍關城西附城垣

攔馬牆城南附城垣

黎子關明統志在縣東百里黎子山省志在東七十里

天馬關縣南隔江達房竹要道互見山川古蹟

石門關縣西南明統志

月竹關縣西南百八十里東南交房縣界西通竹山縣

黃龍鎮縣西百里巡檢駐此

鄖縣志

輿地卷二 關隘

七十一

馬昌關縣西北三十五里

馬塘關縣東北百里接浙川界

青桐關縣西北七十里明史地理志原設巡檢一員駐

此今裁

黃梯坪堡縣北百十里類編明末鄉民築今址尚存

雷峰埡縣東北七十里達白桑關明撫治王以旂圖說

原設巡檢一員駐此今裁

白桑關縣東北八十五里東通江峪塘北通梅家鋪

梅家鋪堡縣東北百四十里達浙川縣荆紫關類編明

末鄉民築舊址尚存

分疆嶺縣東百八十里交浙川界

江峪塘縣東北百八十里交河南浙川縣界原設巡檢

一員乾隆三十五年移置黃龍鎮

石門關縣北百五十里交商南界

界牌埡縣北百四十里交商南界

簸箕埡縣北六十里

左吉關縣西南二百六十里交竹山白河界

馬林關縣南百四十里交房縣界

鄖縣志

輿地卷二 關隘

七十二

分水嶺縣南百六十里交房縣界

小嶺關縣西南四十里

火煤渡縣西百三十里古長利郡縣廢址達秦商通衢

武陽鎮縣西北二十里

天河店縣西百三十里通鄖西山陽關隘

白家營縣東十五里

馬家口堡縣西五十里明宣德間築今廢

椴樹埡縣西二百里通陝西白河縣隘口

安陽口店縣東五十里

崖屋店縣西南百二十里

安城店縣西七十里以上省志

琵琶關縣東二十五里一統志

鄖縣志

輿地卷二  
關隘

七十二

郵傳 塘汛附

中營東北陸路

左家河塘四十里兵四名

蝴蝶塘一百里兵七名

觀音塘五里兵七名

馬昌塘三十五里兵七名

曲遠塘六十里兵五名

青桐關塘八十里兵十三名

中營東陸路

鄖縣志

輿地卷二 郵傳

七十四

龍東塘七十里兵八名

白桑關塘七十里兵四名

梅家鋪塘百五十里兵十二名

南化塘百二十里兵八名

江峪塘百八十里兵二十五名

楊溪塘百八十里兵十五名

中營西陸路

金漆料塘百三十里兵七名

黃連壩塘百三十五里兵十五名

孤山塘百四十五里兵八名

木瓜塘二百里兵十二名

前營東陸路

神定塘十五里兵七名

蓼池塘五十里兵七名

遠河塘六十里兵十名

前營南陸路

毛箭塘八十里兵十名

毛峪塘九十里兵七名

鄖縣志

輿地卷二

郵傳

七十五

落家川塘百三十里兵七名

前營西南陸路

堵河口塘四十里兵十名

花果園塘七十里兵十四名

黃龍灘塘一百里兵二十五名

前營西陸路

小石塘八十里兵八名

姚家灣塘百三十五里兵十名

鮑家店塘百七十里兵十六名

將軍河塘百七十里兵十名

通計設塘二十九座兵二百九十八名所有專司汛  
弁詳營制

東路由總舖十五里至神定舖十五里至界山舖十五  
里至蓼池舖十五里至遠河舖十五里至均州黃洋  
舖止

南路由總舖二十里至白鶴舖二十里至小嶺舖三十  
里至花園舖二十里至西溝舖四十里至岳家舖四  
十里至房縣桃林舖止

鄖縣志

輿地卷二

郵傳

七十六

西路由總舖三十五里至馬昌舖二十里至紅門舖二  
十里至青銅舖三十里至鄖西箭流舖止

北路由總舖二十里至楊溪舖二十里至余家舖三十  
里至白桑舖三十里至梅家舖四十里至官亭舖四  
十里交河南浙川界止

以上十八舖額設舖兵六十六名每兵每年領銀六  
兩一錢共領銀四百零二兩六錢咸豐七年奉  
文裁汰酌提十分之四改爲差遞核計提銀一  
百六十一兩四分經前縣景匯酌留縣前總舖

南路酌留白鶴小嶺花園西溝岳家西路酌留  
馬昌紅門青桐等九舖共舖兵三十三名所領  
工食按照每名六兩一錢其不敷之銀各縣自  
行捐廉發給

嘉慶年間改設鄖陽鎮添設東關界山二站遞送提鎮  
公文

東關站三十里至界山站三十里至均州遠河站止

以上二站每站健夫四名共八名每名日領工食  
銀五分合計日支銀四錢大建月領銀十二兩

鄖縣志

輿地卷二

郵傳

七十七

小建月領銀十一兩六錢按月給發造報